



Broj: 01-02-26-018-15-II/10
Sarajevo, 30. novembar 2010.godine

Na osnovu člana 25. stav 1) tačka e); člana 42. stav 2) Zakona o konkurenciji („Službeni glasnik BiH“ br. 48/05, 76/07 i 80/09) i člana 122. stav 2) Zakona o upravnom postupku („ Službeni glasnik BiH“, br 29/02,12/04 i 88/07, 93/09), a po zahtjevu privrednog subjekta *Centrotrans Eurolines* d.o.o, broj: 01-02-26-018-7-II/10, od 05.novembra 2010 godine, o odustajanju od postupka protiv Ministarstva saobraćaja u Vladi Kantona Sarajevo, Konkurencijsko vijeće Bosne i Hercegovine na sjednici održanoj dana 30. novembra 2010 godine donijelo je sljedeći

ZAKLJUČAK

1. Obustavlja se postupak protiv Ministarstva saobraćaja u Vladi Kantona Sarajevo, Reisa Džemaludina Čauševića 1, 71 000 Sarajevo, Bosna i Hercegovina, pokrenut Zaključkom broj: 01-02-26-018-8-II/10 od 04. novembra 2010 godine; a na osnovu Zahtjeva o odustajanju od postupka privrednog subjekta *Centrotrans Eurolines* d.o.o, broj: 01-02-26-018-7-II/10 od 05.novembra 2010 godine,
2. Ovaj zaključak bit će objavljen u Službenom glasniku BiH, Službenim glasilima entiteta i Brčo distrikta Bosne i Hercegovine.

O b r a z l o ž e n j e

Konkurencijsko vijeće je dana 06.07.2010. godine, u smislu člana 28. Zakona o konkurenciji (u daljem tekstu: Zakon), zaprimilo Zahtjev za pokretanje postupka (u daljem tekstu: Zahtjev) privrednog subjekta *Centrotrans Eurolines* d.o.o Sarajevo, Kurta Šorka 14, 71 000 Sarajevo, Bosna i Hercegovina (u daljem tekstu: Centrotrans ili Podnosilac zahtjeva), pod brojem: 01-02-26-018-II/10, protiv Ministarstva saobraćaja u Vladi Kantona Sarajevo, Reisa Džemaludina Čauševića 1, 71 000 Sarajevo, Bosna i Hercegovina (u daljem tekstu: Ministarstvo saobraćaja), zbog utvrđivanja zloupotrebe dominantnog položaja u smislu člana 10. stav (2), tačke b) i c) Zakona.

Uvidom u dostavljeni Zahtjev, Konkurencijsko vijeće je utvrdilo da isti nije potpun, te je u skladu sa članom 31. Zakona zatražilo dopunu Zahtjeva i u skladu sa članom 2. tarifni broj 106 stav (1) tačka e) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH broj 30/06) obavijestilo Podnosioca zahtjeva o obavezi uplate administrativne takse (akt broj: 01-02-26-018-1-II/10 od dana 31.08.2010.godine).

Podnosilac zahtjeva je u skladu sa zahtjevom Konkurencijskog vijeća dopunio Zahtjev traženom dokumentacijom (podnesak broj: 01-02-26-018-2-II/10 od dana 10.09.2010. godine).

Nakon kompletiranja Zahtjeva Konkurencijsko vijeće, u smislu člana 28. stav (3) Zakona, Podnosiocu zahtjeva izdalo je Potvrdu o prijemu urednog i kompletnog zahtjeva, dana 07.10.2010 godine broj: 01-02-26-018-3-II/10.

Na osnovu dostavljene dokumentacije Konkurencijsko vijeće je ocijenilo da nije moguće bez provedenog postupka utvrditi postojanje povrede Zakona navedene u Zahtjevu, te je dana 04. novembra 2010 godine donijelo Zaključak o pokretanju postupka, broj 01-02-26-018-8-II/10.

Podnosilac zahtjeva je Zahtjevom, broj 01-02-26-018-7-II/10 od 05.novembra 2010 godine, odustao od postupka protiv Ministarstva saobraćaja u Vladi Kantona Sarajevo.

U skladu sa izloženim a u smislu člana 122. stav 2. Zakona o upravnom postupku, odlučeno je kao u dispozitivu ovog Zaključka.

Administrativna taksa

U skladu sa članom 2. tarifni broj 108. tačka b) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“ 30/06) podnosilac zahtjeva je na ovaj zaključak obavezan platiti administrativnu taksu u iznosu od 500,00 KM u korist Budžeta institucija Bosne i Hercegovine.

Pouka o pravnom lijeku

Protiv ovog zaključka nije dopuštena žalba.

Nezadovoljna strana može pokrenuti upravni spor pred sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

PREDSJEDNIK
dr Stjepo Pranjić